

ქედის მუნიციპალიტეტის საკრებულოს
სამანდატო, საპროცედურო საკითხთა და ეთიკის კომისიის
ოქმი N2

დაბა ქედა

25 მარტი, 2025 წელი

სხდომა დაიწყო 12:00 სთ-ზე
სხდომა დამთავრდა 12:30 სთ-ზე

სხდომას თავმჯდომარეობდა ვაჟა აბულაძე - ქედის მუნიციპალიტეტის საკრებულოს სამანდატო, საპროცედურო საკითხთა და ეთიკის კომისიის თავმჯდომარე.

სხდომას ესწრებოდნენ:

რეზო თურმანიძე - კომისიის წევრი;
ლევან ვერძაძე - კომისიის წევრი;
გოჩა გორგილაძე - კომისიის წევრი;
მამუკა გოგოლიშვილი - კომისიის წევრი;

სხდომას არ ესწრებოდა:









მარინა ბარამიძე - კომისიის წევრი;
დავით სირაბიძე - კომისიის წევრი.
შორენა კარანაძე - კომისიის წევრი.

სხდომას ასევე ესწრებოდა:

ქედის მუნიციპალიტეტის საკრებულოს აპარატის უფროსი - მუხრან სალაძე;
ქედის მუნიციპალიტეტის საკრებულოს კომისიებთან და საზოგადოებასთან ურთიერთობის განყოფილების უფროსი - ციური ზაქარაძე;
ქედის მუნიციპალიტეტის საკრებულოს აპარატის პირველი კატეგორიის უფროსი სპეციალისტი კომისიებთან ურთიერთობის საკითხებში - ნანა ბერიძე;

ქედის მუნიციპალიტეტის საკრებულოს სამანდატო, საპროცედურო საკითხთა და
ეთიკის კომისიის წევრთა სარეგისტრაციო ფურცელი

25.03.2025 წელი

№	სახელი, გვარი	თანამდებობა	ხელმოწერა
1	ვაჟა აბულაძე	კომისიის თავმჯდომარე	
2	მარინა ბარამიძე	კომისიის წევრი	
3	მამუკა გოგოლიშვილი	კომისიის წევრი	
4	გოჩა გორგილაძე	კომისიის წევრი	
5	რეზო თურმანიძე	კომისიის წევრი	
6	ლევან ვერძაძე	კომისიის წევრი	
7	დავით სირაბიძე	კომისიის წევრი	
8	შორენა კარანაძე	კომისიის წევრი	

სხდომის თავმჯდომარემ დღის წესრიგი ჩამოაყალიბა შემდეგი სახით.

დღის-წესრიგი:

1 ქედის მუნიციპალიტეტის მერიის ზედამხედველობის სამსახურის 2024 წლის ანგარიშის მოსმენა - განხილვა.

2 ქედის მუნიციპალიტეტის საკრებულოს სამანდატო, საპროცედურო საკითხთა და ეთიკის კომისიის 2024 წელს გაწეული მუშაობის შესახებ ანგარიში.

3 ქედის მუნიციპალიტეტის საკრებულოს სამანდატო, საპროცედურო საკითხთა და ეთიკის კომისიის 2024 წლის მეორე კვარტლის სამუშაო გეგმა.

მოსმინეს: სხდომის თავმჯდომარემ აღნიშნა, რომ 2025 წლის 19 თებერვალს ქედის მუნიციპალიტეტის საკრებულოში განსახილველად შემოვიდა (განცხადების ნომერი: 12-95250501-95; განცხადების თარიღი: 19.02.2024) ქედის მუნიციპალიტეტის მერიის ზედამხედველობის სამსახურის ანგარიში 2024 წელს გაწეული მუშაობის შესახებ, რომელიც წარმოადგინა შემდეგი სახით:

2024 წლის სამუშაო პერიოდში სამსახურის მიერ შესრულებული იქნა თანამდებობრივი ინსტრუქციით, მოქმედი კანონმდებლობით, მერიის დებულებით, სამსახურის დებულებითა და მუნიციპალიტეტის სხვა სამართლებრივი აქტით განსაზღვრული დავალებები. ვმონაწილეობდით მშენებარე და რეკონსტრუქციაში მყოფი მცირე არქიტექტურული ფორმების, მშენებლობის პროცესში სამშენებლო სამუშაოების სისტემატიური და დროული ზედამხედველობის მონიტორინგში, სამშენებლო ობიექტების დროულად ექსპლოატაციაში მიღების, სამშენებლო საქმიანობის დადგენილი წესების დარღვევის ფაქტების გამოვლენასა და სხვადასხვა კომისიების მუშაობაში.

საანგარიშო პერიოდში მშენებლობის ნებართვის მისაღებად შემოსულ განცხადებებზე კანონით განსაზღვრულ ვადაში გაცემულია 13 (ცამეტი) სამშენებლო ნებართვა. კერძოდ, სოფელ ზუნდაგაში, ტაკიძეებში, ჯალაბაშვილებში, დაბა ქედის ი.გოგებაშვილის ქუჩაზე ინდივიდუალურ საცხოვრებელი სახლების მშენებლობაზე, სოფელ ხარაულაში, სიხალიძეებში, კოკოტაურში საცხოვრებელი კოტეჯებისა, დაბა ქედაში სასპორტო საფეხბურთო სტადიონის მოწყობისა და მრავალბინიანი საცხოვრებელი სახლის მშენებლობებზე. გაზსადენის შიდა გამანაწილებელი ქსელის მოწყობისათვის გაიცა მშენებლობის ნებართვები დანდალოს, ახოს, პირველი მაისის, ქვედა ბზუბზუსა და ჭინკაძეების სოფლებში. ექსპლოატაციაში მიღებული იქნა მშენებლობა დამთავრებული 5 (ხუთი) ობიექტი. სოფელ ჯალაბაშვილებში ორსართულიანი ორი ერთეული ინდივიდუალური საცხოვრებელი კოტეჯი, სოფელ მილისში საცხოვრებელი სახლი, მდინარე აკავრეთაზე განთავსებული „შევაბური ჰესი“, სოფელ ცხემნაში საავტომობილო გზების დეპარტამენტის ქედის წარმომადგენლობითი ოფისისა და დამხმარე ნაგებობის შენობები, სოფელ სიხალიძეებში ორი ერთეული ინდივიდუალური საცხოვრებელი კოტეჯი. სამშენებლო სამართალდარღვევის გამო დაჯარიმებული იქნა 5 (ხუთი) პირი, მათგან ერთი იურიდიული და ოთხი ფიზიკური პირი, ხოლო ოთხ ფიზიკურ პირს მიეცათ წერილობითი გაფრთხილება შენობა-ნაგებობის დარღვევისათვის, რათა წარმოედგინათ სათანადო დოკუმენტაცია, რაც შესრულდა.

ჩატარდა კეთილმოწყობითი და დასუთავების სამუშაოები შპს ქედის „კომუნალურსერვისი“-ს სამსახურთან ერთად დაბა ქედის ტერიტორიაზე. კერძოდ გაიწმინდა და დასუთავდა ფრიდონ ხალვაშის სახელობის პარკი რუსთაველის ქუჩაზე გამარჯვების პარკი და 9 აპრილის პარკი ნაგვისა და სარეველა მცენარეებისაგან. მოწესრიგდა ტბ. აბუსერიძის, აღმაშენებლის, 26 მაისის, წერეთლის ქუჩების ტერიტორია. იანვარ- თებერვალში სისტემატიურად ხდებოდა თოვლის საფარისგან დაბის ქუჩების, საფეხმავლო კიბეებისა და

ტროტუარების გაწმენდა. მოიყარა ტექნიკური მარილი. სისტემატურად მიმდინარეობს ქუჩების დაგვა-დასუფთავება და ხდება ნაგვისა და საყოფაცხოვრებო ნარჩენების გატანა დაბა ქედისა და მუნიციპალიტეტის სოფლებიდან. შპს „კომუნალურსერვისი“-ს მიერ დაბა ქედაში მარტის თვეში განხორციელდა მრავალწლიანი ნარგავების შეთეთრების სამუშაოები. ჩატარდა დასუფთავების აქციები 22 მარტს წყლის რესურსების დაცვის საერთაშორისო და 24 აპრილს დედამიწის დღესთან დაკავშირებით მუნიციპალიტეტის ყველა ადმინისტრაციული ერთეულების ცენტრებში და ბათუმი-ახალციხის ცენტრალურ საავტომობილო გზაზე. დაირგო მრავალწლიანი ნარგავები დაბა ქედაში გამარჯვების პარკში.

აპრილის თვეში აჭარის ავტონომიური რესპუბლიკის საქვეუწყებო დაწესებულება გარემოს დაცვისა და ბუნებრივი რესურსების სამმართველოს გეგმიური საკითხის „ნარჩენების მართვის მდგომარეობის შესწავლ“-ის ფარგლებში განხორციელდა მონიტორინგი ქედის მუნიციპალიტეტში, მონიტორინგის დროს გამოვლინდა რვა დანაგვიანებული ტერიტორია უნებართვოდ განთავსებული სამშენებლო ნარჩენებით კერძოდ, მახუნცეთში, პირველ მაისში, ცხემნაში, ზვარეში დანდალოსა და კოკოტაურში დანაგვიანებული ტერიტორიები დასახული ღონისძიებებით შპს „კომუნალურსერვისი“-სა და მოსახლეობის ძალეობით დასუფთავდა.

სისტემატურად ხორციელდება დაზიანებული გარე განათების ქსელებისა და სანათი წერტილების აღდგენა მუნიციპალიტეტის ტერიტორიაზე. აღდგენილ იქნა და სარეაბილიტაციო სამუშაოები ჩატარდა დაბა ქედის, წონიარისის, არსენაულის, დოლოგნის, აწვესის დასახლების, მახუნცეთის, გულეების, გობრონეთის სოფლებში. მიმდინარე წელში დასახული სოფლის მხარდაჭერისა და მონაწილეობითი ბიუჯეტით დასრულდა გარე განათების მოწყობის სამუშაოები მუნიციპალიტეტის სოფლებში

შპს „წყალკანალი“-ს მიერ ჩატარდა საკანალიზაციო - სანიაღვრე არხების დაზიანებული მონაკვეთების აღდგენა ყ.შერვაშიძის, აღმაშენებლის, აბუსერიძის, აწვესის დასახლების ქუჩებზე. ხორციელდება სეპტიკების დაქლორვა და მიმდებარე ტერიტორიების დასუფთავება სარემონტო სამუშაოები ჩატარდა ქედა-შევაბურის, ზენდიდის, ორცვის სასმელი წყლის მაგისტრალს. დაბა ქედაში სისტემატურად ხდება არსებული სანიაღვრე არხების გაწმენდა

პერიოდულად ხორციელდება მუნიციპალიტეტის ტერიტორიაზე უსახური, ამორტიზირებულ ობიექტებზე ღონისძიებების გატარებას. შესწავლილ იქნა დაბა ქედაში კოსტავას ქუჩაზე მდებარე გამგეობის ყოფილი საქვაბე შენობა-ნაგებობის მდგრადობა. შესწავლის შედეგად აღმოჩნდა, რომ შენობა ავარიულ მდგომარეობაშია და ექვემდებარება დემონტაჟს. დაიშალა სოფელ ქვედა მახუნცეთში (აწვესის დასახლება) ელექტრო გადამცემი ხაზის დაცვის ზონაში კაფე ბარის შენობა. დემონტაჟი განხორციელდა დაბა ქედაში თამარის ქუჩაზე უნებართვოდ განთავსებული ფრინველის სადგომებსა და თვითნებურად დაკავებულ საბოსტნე ტერიტორიებს მეპატრონეების მიერ. სოფელ ოქტომბერში დემონტაჟი ჩატარდა უმოქმედო საყოფაცხოვრებო დანიშნულების (სამკერვალო) შენობა- ნაგებობას.

ელექტრონული საქმისწარმოების სისტემის საშუალებით კანონმდებლობით დადგენილ ვადაში დროულად ხდება რეაგირება შემოსულ განცხადებებსა და წერილებზე. სისტემატურად ვმონაწილეობთ მშენებარე მშენებლობების პროცესში სამშენებლო ობიექტების დროულად ექსპლოატაციაში მიღებასა და სხვადასხვა კომისიების მუშაობაში.

ზედამხედველობის სამსახური საგანგებო მსჯელობის საგნად გახდის, როგორც სახელმწიფო სექტორის, ასევე კერძო მოსახლეობის მხრიდან საზედამხედველო კანონმდებლობით გათვალისწინებულ კანონდარღვევათა ყველა ფაქტს, მიიღებს კომპეტენციის ფარგლებში გასატარებელ ღონისძიებებს.

კომისიის წევრებს საკითხთან დაკავშირებით შენიშვნები არ გამოუთქვამთ.

სხდომის თავმჯდომარემ საკითხი კენჭისყრაზე დააყენა:

მომხრე: 5

წინააღმდეგი: 0

კომისიამ გადაწყვიტა:

მიზანშეწონილად ჩაითვალოს „ქედის მუნიციპალიტეტის მერიის ზედამხედველობის სამსახურის ანგარიში 2024 წელს გაწეული მუშაობის შესახებ“ განხილული იქნას საკრებულოს მორიგ სხდომაზე.

მოისმინეს: სხდომის თავმჯდომარემ განმარტა, რომ „ქედის მუნიციპალიტეტის საკრებულოს რეგლამენტის დამტკიცების შესახებ“ ქედის მუნიციპალიტეტის საკრებულოს 2016 წლის 03 მაისის N6 დადგენილებით საკრებულოს კომისია ანგარიშვალდებულია წელიწადში ერთხელ საკრებულოს წარუდგინოს ანგარიში გაწეული საქმიანობის შესახებ.

კომისიის თავმჯდომარემ აღნიშნა, რომ 2025 წლის 25 მარტს ქედის საკრებულოს თავმჯდომარეს წარედგინა საკრებულოს სხდომაზე განსახილველად „საკრებულოს სამანდატო, საპროცედურო საკითხთა და ეთიკის კომისიის 2024 წელს გაწეული საქმიანობის შესახებ ანგარიში“ (წერილის ნომერი:95-95250841 თარიღი: 25/03/2025), რომელიც წარმოადგინა შემდეგი სახით:

ქედის მუნიციპალიტეტის საკრებულოს სამანდატო, საპროცედურო, იურიდიულ საკითხთა და ეთიკის კომისია არის მუდმივმოქმედი ორგანო. კომისია შედგება საკრებულოს 8 წევრისაგან.

საანგარიშო პერიოდში კომისია თავის საქმიანობას წარმართავდა სამუშაო გეგმის შესაბამისად.

2024 წლის საანგარიშო პერიოდში მომზადებული და ჩატარებული იქნა კომისიის 11 სხდომა, რომელზეც განხილული იქნა 15 საკითხი.

სხდომებზე განხილული საკითხების ძირითადი ნაწილი ეხებოდა კომისიის კვარტალური გეგმების დამტკიცებას, მერიის სტრუქტურული ერთეულების, მუნიციპალიტეტის დაქვემდებარებაში არსებული ორგანიზაციების ანგარიშების მოსმენასა და შეფასებას.

2024 წლის საანგარიშო პერიოდში სხდომაზე განხილული ერთ-ერთი საკითხი იყო საკრებულოს გარდაცვლილი წევრის ვადამდე უფლებამოსილების შეწყვეტა და მის ნაცვლად ახალი წევრის უფლებამოსილების ცნობა.

კომისიამ მიიღო განცხადება კომისიების შემადგენლობაში მისი გაწევრიანების შესახებ.

საანგარიშო პერიოდის განმავლობაში, კომისია, ასევე უზრუნველყოფდა აღმასრულებელი ორგანოსაგან შემოსული რიგგარეშე საკითხების, სამართლებრივი აქტების პროექტების განხილვას და შესაბამისი დასკვნების მომზადებას.

1. „ქედის მუნიციპალიტეტის საკრებულოს აპარატის დებულების დამტკიცების შესახებ“ ქედის მუნიციპალიტეტის საკრებულოს 2017 წლის 25 აგვისტოს №13 დადგენილებაში ცვლილების შეტანის შესახებ(დადგენილება) პროექტი.

2. „ქედის მუნიციპალიტეტის მერიის საშტატო ნუსხისა და თანამდებობრივი სარგოების დამტკიცების შესახებ“ ქედის მუნიციპალიტეტის საკრებულოს 2022 წლის 20 სექტემბრის №15 დადგენილებაში ცვლილების შეტანის თაობაზე დადგენილება პროექტი.

3. ხელშეკრულებით ნაკისრი ვალდებულებების შეუსრულებლობისათვის პირგასამტეხლოსაგან გათავისუფლებისა და ვალდებულებების შესასრულებლად დამატებითი ვადის მიცემის წესის

განსაზღვრის თაობაზე“ ქედის მუნიციპალიტეტის საკრებულოს ნორმატიული აქტის (დადგენილება) პროექტი.

4. ქედის მუნიციპალიტეტის ტერიტორიაზე სათამაშო ბიზნესის მოსაკრებელის შემოღებისა და განაკვეთების განსაზღვრის შესახებ“ ქედის მუნიციპალიტეტის საკრებულოს 2018 წლის 31 აგვისტოს #35 დადგენილებაში ცვლილების შეტანის თაობაზე ქედის მუნიციპალიტეტის საკრებულოს დადგენილების პროექტი.

5. ქედის მუნიციპალიტეტის 2024 წლის ადგილობრივი ბიუჯეტის დამტკიცების შესახებ ქედის მუნიციპალიტეტის საკრებულოს ნორმატიული ადმინისტრაციულ-სამართლებრივი აქტის(დადგენილება) პროექტი.

აღნიშნული საკითხებიდან საჯარო ადმინისტრაციული წარმოება დაიწყო ხუთივე საკითხზე. სამი საკითხი გაგზავნილ იქნა სამართლებრივი კონსულტაციისთვის საქართველოს მთავრობის ადმინისტრაციის იურიდიულ დეპარტამენტში, საიდანაც შენიშვნების გარეშე დაბრუნდა 2 საკითხი, ხოლო შენიშვნით ერთი, კერძოდ: „ხელშეკრულებით ნაკისრი ვალდებულებების შეუსრულებლობისათვის პირგასამტეხლოსაგან გათავისუფლებისა და ვალდებულებების შესასრულებლად დამატებითი ვადის მიცემის წესის განსაზღვრის თაობაზე“ ქედის მუნიციპალიტეტის საკრებულოს ნორმატიული აქტის (დადგენილება) პროექტი. მიღებული პასუხის თანახმად, საკითხი უნდა დარეგულირებულიყო ნორმატიული აქტის ნაცვლად „ადგილობრივი თვითმმართველობის კოდექსი“ საქართველოს ორგანული კანონის 54-ე მუხლის პირველი პუნქტის „დ.ე“ ქვეპუნქტის მიხედვით, რომლის თანახმად, მერი არის უფლებამოსილი მუნიციპალიტეტის საკრებულოს თანხმობით გადაწყვიტოს მუნიციპალიტეტის ქონების შემდგენის/სარგებლობის უფლებით მიმღების/მართვის უფლებით მიმღების ხელშეკრულებით ნაკისრი ვალდებულებების დარღვევისთვის დაკისრებული/დასაკისრებელი პირგასამტეხლოსაგან განთავისუფლების საკითხი“.

მთავრობის ადმინისტრაციის იურიდიული დეპარტამენტისაგან მიღებული შენიშვნა წერილობით ეცნობა ქედის მუნიციპალიტეტის მერს და დადგენილების პროექტი არ იქნა გატანილო საკრებულოს სხდომაზე და გაიწვიეს უკან.

საანგარიშო პერიოდში საკრებულოს სამანდატო, საპროცედურო, იურიდიულ საკითხთა და ეთიკის კომისიის მიერ ინიცირებული იქნა 1 საკითხი, „ხელშეკრულებით ნაკისრი ვალდებულებების შეუსრულებლობისათვის პირგასამტეხლოსაგან გათავისუფლებისა და ვალდებულებების შესასრულებლად დამატებითი ვადის მიცემის წესის განსაზღვრის თაობაზე“ (დადგენილება) პროექტზე საჯარო ადმინისტრაციული წარმოების დაწყების შესახებ ქედის მუნიციპალიტეტის საკრებულოს 2024 წლის 29 მარტის Nგ-95.95240892 განკარგულების ძალადაკარგულად გამოცხადების შესახებ. მთავრობის ადმინისტრაციის იურიდიული დეპარტამენტისაგან მიღებული შენიშვნის საფუძველზე.

კომისია საანგარიშო პერიოდის განმავლობაში მონაწილეობას ღებულობდა მუნიციპალიტეტის სოფლებში გამართულ შეხვედრებში, იკვლევდა მოსახლეობის პრობლემებს და მოგვარების მიზნით შუამდგომლობდა მუნიციპალიტეტის მერიასთან.

კომისიის წევრებს საკითხთან დაკავშირებით შენიშვნები არ გამოუთქვამთ.

სხდომის თავმჯდომარემ საკითხი კენჭისყრაზე დააყენა:

მომხრე: 5

წინააღმდეგი: 0

კომისიამ გადაწყვიტა:

მიზანშეწონილად ჩაითვალოს ქედის მუნიციპალიტეტის საკრებულოს სამანდატო, საპროცედურო საკითხთა და ეთიკის კომისიის 2024 წელს გაწეული საქმიანობის შესახებ ანგარიშის განხილვა საკრებულოს სხდომაზე.

მოისმინეს: სხდომის თავმჯდომარემ კომისიის წევრებს გააცნო ქედის მუნიციპალიტეტის საკრებულოს სამანდატო, საპროცედურო საკითხთა და ეთიკის კომისიის 2025 წლის მეორე კვარტლის სამუშაო გეგმა შემდეგი სახით:

	განსახილველი საკითხები და გასატარებელი ღონისძიებები	განხილვის თარიღი	საკითხის განხილვა კომისიის სხდომაზე	საკითხის განხილვა საკრებულოს სხდომაზე	პასუხისმგებელი პირი საკითხის მომზადებაზე
1	ქედის მუნიციპალიტეტის მერიის შიდა აუდიტის სამსახურის 2024 წლის ანგარიშის მოსმენა - განხილვა	აპრილი	კომისიის სხდომაზე	საკრებულოს სხდომაზე	მერიის შიდა აუდიტის სამსახურის უფროსი
2	ადმინისტრაციული ხელისუფლების ორგანოსაგან ინიცირებული საკითხების განხილვა და შესაბამისი დასკვნების მომზადება.	პერიოდულად	კომისიის სხდომაზე	საკრებულოს სხდომაზე	კომისიის თავმჯდომარე
3	შპს „ქედის ავტოსატრანსპორტო საწარმო“-ს მიერ 2024 წელს გაწეული საქმიანობის შესახებ ინფორმაციის მოსმენა - განხილვა	ივნისი	კომისიის სხდომაზე	საკრებულოს სხდომაზე	შპს „ქედის ავტოსატრანსპორტო საწარმო“-ს დირექტორი
4	ქედის მუნიციპალიტეტის საკრებულოს სამანდატო, საპროცედურო საკითხთა და ეთიკის კომისიის 2025 წლის მესამე კვარტლის სამუშაო გეგმა	ივნისი	კომისიის სხდომაზე	საკრებულოს ბიუროს სხდომაზე	კომისიის თავმჯდომარე

კომისიის წევრებს საკითხთან დაკავშირებით შენიშვნები არ გამოუთქვამთ.

სხდომის თავმჯდომარემ საკითხი კენჭისყრაზე დააყენა:

მომხრე: 5

წინააღმდეგი: 0

კომისიამ გადაწყვიტა:

მიზანშეწონილად ჩაითვალოს საკრებულოს ბიუროს მიერ დამტკიცებული იქნას ქედის მუნიციპალიტეტის საკრებულოს სამანდატო, საპროცედურო საკითხთა და ეთიკის კომისიის 2025 წლის მეორე კვარტლის სამუშაო გეგმა წარმოდგენილი სახით.

კომისიის თავმჯდომარემ სხდომა 12:30 სთ-ზე დახურულად გამოაცხადა.

კომისიის თავმჯდომარე




ვაჟა აბულაძე



ოქმი შეადგინა:

საკრებულოს აპარატის პირველი
კატეგორიის უფროსი სპეციალისტი
კომისიებთან ურთიერთობის საკითხებში



ნანა ბერიძე